


(ارتقا) نك استانبول و طشره  
ایچون بر سنك آبوله سی ۳۲  
غروشد. بوسته بولی مقبولدر .  
مخالفی بالمله ارباب قله آچیقدر . هر الی قلم  
طوتان یازه ییلدر . مرکری باب عالی  
جاده سنده « معلومات » اداره خانه سیدور.

Journal illustré RTIKA



ادبیات . فنون عسکریه و بحریه .  
وتاریخ و تجارت و زراعت و صنایع  
ومعارف و امور نافعه و اکثیفه لی فقراندن  
باحث مصور جریده در . هر نوع خصوصیات  
ایچون غزته نك مدیری طاهر بکه مراجعت اولنور

Bureaux: 40, rue de la Sublime-Porte,  
(Imprimerie Tahir bey) Stamboul.

نسخه سی : ۲۰ پاره یه در

شمه دیک جمعه کونلری نشر اولنور جریده در .

نسخه سی : ۲۰ پاره یه در





## بروسه دن قونيه سياحت

سياح : محمد ضيا

[ ١١٢ نجى نسخه مزدن مابعد ]

— کوکورتلى قابليجه لر ينك محسناتى —

بوقابليجه لر ده بولنان مياہ کبريتيه بک مؤثر و غایت نافع اوله رق درکار اولان شهرتى و على الخصوص مایس آينده استشفای ایچون کلان خستکادن شفایاب اولانلرک کترتی حسبيله اوروبانک مشهور قابليجه لر ينه هر حالده ترجیح اولونه بيلير . چونکه حاوی اولدينی اجزای غریبه سی یکدیگريله اولوجهله امتزاج ایلشمدرکه هم داخلای یعنی ایچله رک و هم ده خارجای یعنی کیريله رک استعمال اولنه بياور بوخاصه اکثراً بولنمان برخاصه در . امدی اشبو کوکورتلى قابليجه سنک دواسی شودر معدوددرکه افعال بدنیه دن تشبيه فعلی ایله اعضاء غشائیه نه نافذ اولدقده اول عضوک اجزاسی میاننده کی اولان تمسک لر ينه اصلاً خلل کتوره رکه سؤ حالی ازاله و تعدیل ایلر .

داخلای آرزو مقدارده استعمالی یاخود خارجدن جلد اوزرینه هر نه صورته اولورسه اولسون الصاق اولدقده طریق هضمی ستر ایدن غشای مخاطی اوزرینه یواش یواش تأثیر ایدرک افراتاتی تکثیر ایتکله صیق صیق اسهال ویرر . و بو طریق ایله سؤ حالی اصلاح ایدر . و کذا آلات تنفسیه نك مجرایخی ستر ایدن اغشیه مخاطیه اوزرلر ينه دخی بوجهله تأثیر ایدرک اکثر علتلر نی دفع و ازاله ایدر . بوندن بشقه غده لر ده واقع سده لری اچار و غلظت غشاء مخاطی بی ترقیق ایلر . دم ویریدنک یعنی تناول ایلدیگمز اغذیه دن حاصل اولمش و هنوز ره ده تربیه اولمامش قاره قانک آلت مذکورده هوانک مولدالموضه سیله امتزاجه یاردم ایتسیدر .

جلد انسانی دخی بوضولرله فوق العاده استفاده ایدر . استعمال ایدنلرک ترلر ينک قوقسی بوکا دلیلدر .

بوصولر سایه سنده بک چوق علل جلدیه نك مندفع اولدینی جمله نك معلومیدر . حاصلی قانه باصورلر و علل رحیمیه ده تأثیری اولدینی کی اعضایی یوریمکله لفافه عصیه اطلاق اولنان غشاء رقیق و اغشیه الیافیه و اوتار عریضه اشبو صولرک تأثیرینه مقاومت ایده مزملر . شویله که اغشیه مذکورنک التهابات مزمنه و املاآت قدیمه سی مدت قلیله ده زائل و مندفع اولور .

ایمدی کوکورتلى قابليجه لر ی بروجہ آتی علتلر حقننده واجب الاستعمالدر :

سطح جلدده ظهور ایدن خیجک و قزامق و سائر خرده چیانلر سببيله معدوم و امانک تحریکات مزمنه سی و کذا بک چوق حیوملی علاجلر استعمالندن یاخود افراط عیش و نوشدن یاغلی اطعمه اکل و تناولنه مداومت سببيله حادث اولمش هر درلو عفونت معدوم و التهاب امعا علتلری و کبد و طحال و سائر غدوی الاترک و ویریدلرک سده و انتفاخلری و بعضی معدنی بخارلر تنفس و استنشاقیه نشأت ایتمش اولان و یاخود مقدماً دفع و زائل اولمش علل جلدیه مزمنه نك و نزله لی بل صغوقلر ينک یکیدن ظهوری سببيله حادث اولان علتلر ، مثانه و احلیلک التهابات مزمنه لر نده که نوازل یاخود بل صغوقلغی و یاخود طوزلی بلغم طبیعتلی اولان امراض ، بالعموم عال مزمنه جلدیه یعنی جرب و سعه طوزلی بالغام و سراجیه شیشلری و یاره لر ی ، مفاصلده و اتلر ازه سنده بولنوب اوتار عریضه تسمیه اولنان ایچه دریلرده و حواس خمس ده ظهور ایدن تقریرلرده و باصورلرده .

کرتک برعضوده ثابت و مستقر و کرتک برندن دیگرینه انتقال ایدن ریح طیارلرده و ریح طیاردن حادث اولان ال و یوز چارپلمسی کی و جعلی و کذا کوز اغریلزنده کی ریح طیار سببيله حادث اولمش اولان حالاتک کوکوردلی صولرله شمایاب اولدقلى مجربدر .

هرقننی نسجه ظهور ایدرسه ایتسون علی الاطلاق سراجیه علتنده مثلاً نسج جلدده ظهور ایدن سراجیه لی طوزلی بالغاملر و غده لر ده یعنی بز و چیقن تعبیر اولنان عضولرده حادث اولان سراجیه یاره لر ی و سیده لر ی و انتفاخلری و نسج غظمده و قوعبولان انحاء عمود فقری بل کویکنک خلاف طبیعت اکلسندن عبارت اولان علتله بعضی اجزاء معدنیه تناول و استعمالی سببيله مثلاً باقر و صیجان اوقی دیمکله معروف اولان سم تناولیه وقوع بولان تسممات عوارضنده یعنی غشاء مخاطی ده ظهور ایدن بیاض طالارده و کذا سبب مذکوردن منبعث قرقرلرده و حیومه لی علاجلر استعمالندن تخدث ایتمه بسست انداملق عارضه سنده اشبو کوکورتلى قابليجه سی کی سریع التأثير بردوا کورلماشدر .

شویله که ؛ اگر علل مذکورہ حیوه و سائر سمومدن نشأت ایتمش ایسه انلرک اعراضنه قابليجه استعمالنده همه حال پراشتداد کلوب بعده کلیاً زائل و مندفع اولورلر و اگر اصل منشأ لری فرنکی علتی ایسه اولوقت امر بالعکس اوله رق اشتداد اعراضدن صکره سریعاً زائل اولیوب بلکه براز مدت دوام ایدر . بوقابليجه نك هر درلو استعمالی جائز اولمغه خارجاً انصاف و عاداتا اغتسال یاخود بانویکی ایچنه کروب او طور مق صورتلرنده و داخلای شربت و حقنه طرز لر نده استعمال اولنه بيلور .

فقط اصول تبریدی نقصاندر . چونکه ناچار لاجل التبرید اون بش ساعت قدر آچقده طوبقی یاخود ضوغوق صوقانه رق تعدیلنه احتیاج کوریلور . شو حالده جرارتی زائل اولدینی کی حاوی اولدینی مواد هوايه دخی ثابت اولیوب ضایع اولور .

ایکینجی صورته ایسه قابليجه نك صویجی تبرید ایده جک مرتبه صغوق صوعلاوه سی لازم کیورکه بونده ده قابليجه نك تأثیری زائل اولور .

بغولقی تعبیر ایلدیگری حلوته کلنجه : بورایه کروب برقاچ دقیقه طور ولدینی حالده علل قدیمه حقننده بک غریب تأثیری کوریلور ایچق مذکور حلوتک غایت صیجاق اولمسندن ناشی هر مزاجه الیور مرز . خصوصاً امتلادم مخاطره سنندن خوف اولنان کیمسه لر حقننده بک دقت اولنه جق ماده در . مکرکه علل اولان کیمسه دن بک شدتلی مقابله طبیعت ظهور ایلوسی مطلوب اوله . قدیم و عسیر البرء عللده مطلوب اولدینی کی و بوضورته مقابله مذکورده تی تسریع و تزید ضمنتده قابليجه صویک داخلای دخی استعمالی مطلوب اولدقده بربرستیلی واسطه سیله اجرا اولنور و دوگون صویک قابليجه صویندن صغوق اولمامسنه دقت ایدیلور بلکه ده خار ومدتی زیاده اولمی و یالکر بانویصورتنده استعمالنده فائده کومه یں عللده اشبو انصاب یعنی دوشمه طریقله دخی استعمالی لازمدر ، تاکه تأثیرلری تریاد ایدوب منفعتلری تکثر ایده . برده قابليجه صویجی فوچیلرله اوه کتورمک دخی قابیلدر .

صویک خاصه سی زائل اولمامق ایچون بغایت محکم قبالو واریل دروننده حفظ اولنمی ...

کله لم کوکوردلی قابليجه سنک داخلای اولان استعمالنه : بو طریقله استعمالندن مقصد خارجاً اولان استعمالنک تأثیرینه معاونت ایچوندر و لکن بعض کره اشارات مخصوصه دلاتیله اخشاء بطنیه علتلرنده و کذا کافه اعضانک علل سوء مزاجنده و قدیم و سرکش هر درلو علل مزمنه ده داخلای استعمالی ایجاب ایدر : قالدیکه مياہ کبريتیه آلات هاضمه یه ضعف و رخاوت و یزیدیکی جهتله اطبا داخلای استعمالندن تحاشی ایدرلر . و لکن اعضاء هاضمه یه اصاله مضر و دشمن اولان ( ایدر وژن سولفور ) ماده سنک و دواذ املاحیه و عنصر تارک اشبو صولرده موجود حامض فحیمی نام ماده ایله امتزاجلری سببيله لایقيله تعدیل اولدقندن اگر آتیده اشعار اولنه جق بعض احتیاطلره رعایت اولنور ایسه تحاشی اولنان اثار و خیمه ظهوره کلدکن معاداً موقوف المامول اثار نافعیه سی کورلمک مجزوم و مقرردر ... نه کیم تجارب غذیه ایله مجربدر . شو قدر وارکه ، قابليجه صویجی منبعندن یاخود بغولق خلوتندن آلوب و حین استعمالنده بالاده ذکر اولدینی وجهله تبرید و تعدیل اولنسنه دقت اولنق کرکدر . بالاده تفصیل اولدینی اوزره اشبو مشروباً استعمال اولنه جق ماء کبریتی یوزدرهمدن بدأ اولنوب بعده مریضک قواى هضمیه سنه نظراً بهرکون یاخود بهراییک اوج کونده بر ۲۵ و ۵۰ و ۱۰۰ درهم ضم اولنه رق مقداری تزید اولنمی . اما حسنیه استکراه و یرمکه باشلا دینی انده برقاچ کون ترک ایدنمی . بعده ترک اولنان مقدار ایله یکیدن بدأ اولنوب اثری ظهور ایدنیجه قدر دوام اولنمی و استعمالنی متعاقب متصل سیر و حرکت ایتلی . لکن ضعف بدن سببيله علی الدوام سیر و حرکتله بحالی قالماز ایسه بر مقدار آرام و بومقدار سیر و تماشا ایله اکتفا اولنمی . و هر تناولک مایینی برچاریک قدر فاصله لی اولوب لکن صکره کی تناول عقینده یارم و بلکه بر ساعت سیر و حرکت لازمدر . بعده بر مقدار قهوه الی آلوب استراحت اقتضا ایدر .



یکی قابليجه — یکی قابليجه دیمکله مشهور اولان حمام بیوک کوکوردلی قابليجه سنندن ایکوز خطوه مسافده واقع اولوب وسعت و جسامتی و زیاده سخوتی و صوینک برکتی و نظافتی جهتلرله مشهور برقابليجه در .

اوائل بناسی بک معلوم اولیوب ، مقدمه ده سبق ایتدیکی وجهله سلطان سلیمان خان حضر تلر ينک لاجل الاستشفاء تشریفلر ينه کلنجه یه قدر معطل برقابليجه ایکن شرفصا در اولان فرمان اوزرینه مجدداً بنا اولنمشدر . و کافه مصارفی وزیر رستم پاشا طرفندن تأدیه اولمغه آلان رستم پاشا قابليجه سی دخی اطلاق اولنور ، نه کیم حمام قبوسی اوزرنده مقرر اولان تاریخندن ده اکلانشیلور . ( مابعدی وار )